

B O S N A I H E R C E G O V I N A  
F E D E R A C I J A B i H  
Z E N I Č K O - D O B O J S K I K A N T O N  
G R A D Z E N I C A

Služba za socijalnu zaštitu, stambene poslove i društvene djelatnosti

Broj: 07-45-12531/22  
Zenica, 08.06.2022. godine

**STRUČNA SLUŽBA GRADSKOG VIJEĆA**

**PREDMET:** Stav Službe, Izvještaj o radu JU „Predškolski odgoj i obrazovanje za 2021.godinu,

- dostavlja se

Nadležnost za praćenje i nadzor nad radom JU Predškolski odgoj i obrazovanje Zenica u ime osnivača, Grada Zenica, a shodno ovlaštenjima i u skladu sa pozitivnim zakonskim propisima i dokumentima strateškog razvoja lokalne zajednice, Zakonu o ustanovama i odredbama sadržanim u Statutu Grada i Odluke o zadržavanju prava osnivača, ima Služba za socijalnu zaštitu, stambene poslove i društvene djelatnosti. Služba je razmotrila Izvještaj o radu JU Predškolski odgoj i obrazovanje Zenica za 2021. godinu, uključujući i Izvještaj o finansijskom poslovanju, Izvještaj o radu direktora i Upravnog odbora Ustanove u 2021. godini, te Plan rada Ustanove za 2022. godinu. Nakon sveobuhvatnog sagledavanja navedenih materijala, Služba konstatuje:

- JU Predškolski odgoj i obrazovanje vrši javnu funkciju od posebnog društvenog značaja a bavi se odgojem, obrazovanjem, njegovom i zaštitom djece od šest mjeseci do polaska u osnovnu školu, i smatra se početnim stepenom jedinstvenog sistema odgoja i obrazovanja koji se ostvaruje kroz programe sa utvrđenom zajedničkom jezgrom na području ZDK, a regulisan je Zakonom o predškolskom odgoju i obrazovanju.

Ukupan broj zaposlenih u Ustanovi u 2021. godini je 76 zaposlenika, svi u stalnom radnom odnosu. U toku protekle godine za rad na stručnom osposobljavanju bez zasnivanja radnog odnosa u trajanju od godine dana, angažovana je jedna profesorica predškolskog odgoja.

**STRUČNA SPREMA**  
**BROJ ZAPOSLENIKA**  
**UKUPNO**

<b>MR</b>	<b>VSS</b>	<b>VŠS</b>	<b>SSS</b>	<b>VKVKV</b>	<b>NK</b>	
1	18	14	31	1	8	3
<b>76</b>						

**STAROSNA STRUKTURA – GODINE ŽIVOTA**

**BROJ ZAPOSLENIKA**  
**UKUPNO**

<b>DO</b>	<b>DO</b>	<b>DO</b>	<b>DO</b>	<b>DO</b>	<b>DO</b>	<b>DO</b>
<b>35</b>	<b>40</b>	<b>45</b>	<b>50</b>	<b>55</b>	<b>60</b>	<b>65</b>
18	5	5	5	24	6	13
<b>76</b>						

Ustanova je u 2021.godini poslovala sa iskazanim viškom rashoda nad prihodima u iznosu od **73.332,00 KM**.

Saradnja Službe sa menadžmentom ustanove je korektna u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto se može reći i kada je u pitanju saradnja sa Upravnim odborom.

-Rješenjem o ocjeni rada za školsku 2020/2021. godinu, Direktor je ocijenjen ocjenom „naročito se ističe“, od strane nadležnog Ministarstva i Pedagoškog zavoda Zenica. (broj: 10-1-34-07091-5/20 od 15.09.2021. godine)

Kad je u pitanju djelatnost, treba istaknuti sljedeće:

Prosječan broj djece uključen u programe JU Predškolski odgoj i obrazovanje Zenica

<i>Godina</i>	<i>Prosječan broj djece</i>
---------------	-----------------------------

1. 2016.	423
----------	-----

2. 2017.	460
----------	-----

3. 2018.	486
----------	-----

4. 2019.	495
----------	-----

5. 2020.	365
----------	-----

<b>6. 2021.</b>	<b>378</b>
-----------------	------------

Odlukom Ministarstva obrazovanja, nauke, kulture i sporta ZDK broj: 10-34-19441-5-03/21 od 10.03.2021. godine, realizacija Programa obaveznog predškolskog odgoja i obrazovanja u godini pred polazak u osnovnu školu odgođena je do daljnjeg i nije realizirana, čime su djeca koja nisu obuhvaćena institucionalnim predškolskim odgojem i obrazovanjem sa područja kantona, ostala uskraćena za realizaciju programa, uprkos činjenici da je obuhvat djece predškolskim odgojem i obrazovanjem izuzetno mali. Broj djece uključenu u Program obaveznog predškolskog odgoja i obrazovanja u godini pred polazak u osnovnu školu koji je proteklih godina realizovan u vrtićima Ustanove i osnovnim centralnim i područnim školama u Zenici:

<i>Godina</i>	<i>Broj djece</i>
---------------	-------------------

1. 2016.	680
----------	-----

2. 2017.	672
----------	-----

3. 2018.	619
----------	-----

4. 2019.	539
----------	-----

5. 2020.	428 - Program je prekinut zbog pandemije
----------	--

6. 2021.	Program nije realizovan zbog pandemije
----------	--

- Djelatnost Ustanove finansira Grad kao osnivač, a ostali izvori finansiranja su: uplate korisnika usluga i davanje, privremeno, pod zakup prostora koji nisu u primarnoj funkciji djelatnosti.

- Uvidom sanitarne inspekcije, konstatovano je da je nivo higijene u svim objektima bio zadovoljavajući. Redovno, jednom mjesečno, nadležna zdravstvena služba obavlja mikrobiološku analizu i kontrolu namirnica i spravljenih obroka.

- Svi zaposleni su obavezni obaviti redovne godišnje sanitarne ljekarske preglede. Svakog mjeseca vrši se bakteriološko-hemijska analiza hrane a nalaz zadovoljava zahtjeve Pravilnika. Osim toga, svi roditelji djece koja se upišu u obdaništa obavezni su donijeti ljekarsko uvjerenje da su djeca zdrava i sposobna za boravak u kolektivu.

U mišljenju nezavisnog revizora Ustanova je dobila " mišljenje s rezervom".

Kontrolom Porezne uprave, Ustanova je za kontrolisani period 14.12.2012.-14.12.2017. godine, koja je dana 30.01.2018. godine izdala Zapisnik o inspekcijskom nadzoru broj: 13-4-02-15-10-782/17, prema kojem su utvrđene dodatne obaveze poreza i doprinosa po osnovu isplata po sudskim presudama i vansudskim sporazumima, kao i obavezu poreza na dobit za prihode koje ostvaruje po osnovu davanja imovine u zakup. Ukupan iznos dodatnih poreza i doprinosa iznosi 76.970 KM, dok zatezne kamate iznose 45.640 KM.

Dana 19.02.2018. godine Porezna uprava Federacije BiH izdala je Rješenje o dodatno utvrđenim obavezama broj: 13-4-02-15-11-782/17. Ukupan iznos dodatno utvrđenih obaveza za uplatu po rješenju iznosi 119.928 KM. Na pomenuto rješenje Ustanova je uložila žalbu zbog netačno i nepotpuno utvrđenog činjeničnog stanja i nepravilne primjene materijalnog prava. Poreska uprava još uvijek nije odgovorila na žalbu. Iznos zateznih kamata od perioda rješenja može značajno opteretiti Ustanovu. Ustanova za navedeno nema obezbjeđen izvor finansiranja. Obaveza nije rezervisana.

Uprkos gore nabrojanim činjenicama, Ustanova je fokus svog djelovanja stavila na kvalitet odgojno-obrazovnog rada osmišljavajući različite programe i projekte, kako bi ostvarila svoju ulogu djelatnosti od posebnog društvenog značaja, što i jeste njena primarna funkcija.

Svjesni činjenice da je pandemija uticala na način života ali i finansijske prilike općenito, treba naglasiti da je djelatnost Ustanove neprofitna i još uvijek nedovoljno priznata u pogledu njenog značaja kao prvog stepena odgojno-obrazovnog sistema i još uvijek nije finansirana na način predviđen Zakonom o predškolskom odgoju i obrazovanju.

Cijeneći sve navedeno, a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Predškolski odgoj i obrazovanje” za 2021. godinu na razmatranje.

#### PRILOG:

- Izvještaj o radu JU " Predškolski odgoj i obrazovanje " Zenica za 2021.godinu
- Odluku UO o usvajanju Izvještaja o radu
- Finansijski izvještaj za 2021. godinu sa izvještajem ovlaštenog revizora
- Odluka o ocjeni rada direktora u 2021. godini

#### DOSTAVLJENO:

1 x Naslov

1 x a/a

Šef Odsjeka društvenih djelatnosti  
Zijad Imamović



Pomoćnik Gradonačelnika  
Sumea Mujkanović